

# G E N E S I S.

7 Agus dh'fheòraich e do sheirbhifich Pharaoidh, a *bha* 'n làimh maille ris ann an tigh a thighearna, ag ràdh, C'ar son a tha bhuir gnùis *cho* mhuladach an diugh?

8 Agus thubhairt iad ris, Chunnaic sinn aisling, agus cha 'n 'eil neach againn a dh'eadar-mhìnichas i. Agus thubhairt Ioseph riu, Nach ann o Dhia *tha* gach eadar-mhìneachadh? innisibh dhomhs' iad, guidheam oirbh.

9 Agus dh'innis an t-àrd-bhuidealair aisling do Ioseph, agus thubhairt e ris, A'm' aisling-fa feuch, *bha* fìneamhain fa m' chomhair.

10 Agus air an fhìneamhain *bha* trì meanglain<sup>a</sup>; agus *bha* i mar gu'm biodh i a' briseadh a mach, agus thàinig i fuidh làn-bhlàth, agus thug a bagaidean dearcas abuich uatha.

11 Agus *bha* cupan Pharaoidh a'm' làimh; agus ghabh mi na fìon-dhearcas, agus dh'fhàisg mi iad 'an cupan Pharaoidh, agus thug mi 'n cupan ann an làimh Pharaoidh.

12 Agus thubhairt Ioseph ris, 'Se fo a h-eadar-mhìneachadh: Na trì meanglain, *is* trì lài iad.

13 Eadhon 'an ceann trì lài togaidh Pharaoh suas do cheann, agus bheir e ris gu t'àite fèin thu; agus bheir thu cupan Pharaoidh 'na làimh mar a b'abhuist duit roimhe 'nuair a bha thu d'bhuidealair aige.

14 Ach cuimhnich thusa orm-fa 'nuair a dh'èireas gu math dhuit, agus dean, guidheam ort, caoimhneas domh: agus thoir

iomradh orm re Pharaoh, agus thoir a mach mi as an tigh fo:

15 Oir gu deimhin ghoideadh air falbh mi a tìr nan Eabh-ruidheach, agus mar an ceudna 'n fo cha d'rinn mi ni sam bith gu'n cuirte 'fan t-flochd mi.

16 'Nuair a chunnaic an t-àrd-fhuineadair gu'n d'eadar-mhìnich e gu math, thubhairt e re Ioseph, *Bha* mise mar an ceudna a'm' aisling, agus feuch, *bha* trì bascaide geala air mo cheann:

17 Agus anns a' bhafcaid a b'airde *bha* do gach fèorta bìdh air son Pharaoidh do dheafachadh an fhuineadair; agus dh'ith an eunlaith iad a mach as a' bhafcaid air mo cheann.

18 Agus fhreagair Ioseph, agus thubhairt e, 'Se fo a h-eadar-mhìneachadh<sup>b</sup>: Na trì bascaide, 's trì lài iad.

19 'An ceann trì lài togaidh Pharaoh suas do cheann dhìot, agus crochaidh e thu air crann, agus ithidh an eunlaith t'fheoil dhìot.

20 Agus air an treas là, co-ainm latha-breithe Pharaoidh, rinn e cuirm d'a sheirbhifich uile: agus thog e suas ceann an àrd-bhuidealair, agus ceann an àrd-fhuineadair am measg a sheirbhifeach.

21 Agus thug e 'n t-àrd-bhuidealair a chum a bhuidealair eachd a ris; agus thug e 'n cupan 'an làimh Pharaoidh:

22 Ach chroch e 'n t-àrd-fhuineadair, mar a dh'eadar-mhìnich Ioseph dhoibh:

23 Gidheadh cha do chumhnich an t-àrd-bhuidealair air Ioseph, ach dhì-chuimhnich se e.

C A I B.

<sup>a</sup> geuga.

<sup>b</sup> brigh.